

(中華郵局特准掛號立券認爲新聞紙類)

中華民國十四年十月二十一日

第二百七十一期

時事新報

本報價目

每週兩期每期一角
全年八元
外埠每月加郵費四分

膠澳商埠局秘書處機要股發行
電話 本局分機第 五 號

目錄

命令

膠澳商埠局指令 第八二五號

膠澳商埠局布告第二七號
膠澳商埠局布告第二八號
膠澳商埠警察廳布告第四八號
膠澳商埠警察廳布告第四八號
膠澳商埠上程事務所布告第七號

公文
膠澳商埠局呈第八九號
膠澳商埠局呈第九一號

膠澳商埠局批第一	六	七	號
膠澳商埠局批第二	一	六	九
膠澳商埠局批第三	一	七	〇
膠澳商埠局批第四	一	七	一
膠澳商埠局批第五	一	七	二
膠澳商埠局批第六	一	七	三
膠澳商埠局批第七	一	七	四
膠澳商埠局批第八	一	七	五
膠澳商埠局批第九	一	七	六

▲▲命 令▼▼

臨時執政令

忝執國政瞬將一載值十四年國慶之辰爰布所懷敬告有衆國維解紐綱紀蕩然嗟我士民久罹鋒鏑迫不獲已勉任仔肩期以和平歸於統一本此志願委曲以赴凡百有位慨念時艱同心協力勤求治理民會選舉計日觀成根本大法亦將釐定惟是一年之內叢脞良多成績未彰負疚特甚閭閻剽斂災祲重沓宿師滿野供億煩多樂利無聞流亡莫復度支匱絀待舉百端中夜彷徨感焉如擣國人屬望容有恕辭高位忝膺責無旁貸外顧列邦之環注內惕大局之阽危斷非一手足之爲烈凡中央及各省區長官舟楫同持休戚與共務望咸殫乃心不懈初志鎮定震撼支柱艱危勿誘卸以誤國家勿遷就以貽禍患蘄登上理福我衆生大法既成咸遵正軌民國榮譽永垂無極本執政有厚望焉此令

據熊希齡等呈稱湖南災情慘重請派專員籌備賑務等語著派章士釗張訓欽會商該省省長切實辦理此令

甘肅省長陸洪濤因病懇請辭職陸洪濤准免本職此令
特任薛篤弼爲甘肅省長此令

薛篤弼未到任以前甘肅省長著楊思暫行護理此令
賴心輝劉成勳均授爲陸軍中將並加上將銜此令

劉文輝授爲陸軍中將此令

中華民國十四年十月九日

內務總長龔心湛呈直隸河務局局長趙英漢另有差委請免本職趙英漢准免本職此令
任命陳昌澤試署直隸河務局局長此令

中華民國十四年十月十日

全國水利局總裁袁良呈請將僉事吳文瑄朱培麟免去本職均照准此令
全國水利局總裁袁良呈請任命辛揚藻試署僉事應照准此令

中華民國十四年十月十一日

農商部呈察哈爾實業廳廳長龔柏齡因病辭職龔柏齡准免本職此令
任命吳覺民署察哈爾實業廳廳長此令
任命鄂崇海爲熱河都統署上校參謀此令

中華民國十四年十月十二日

參謀本部呈請任命蕭文斗署熱河都統署少校參謀應照准此令

中華民國十四年十月三日

膠澳商埠局訓令 第四〇四號

令 警 察 廳
衛 生 事 務 所

爲訓令事據市民房產公會會長傅炳昭呈稱呈爲擬請援用地方舊慣責成警廳派警專查住戶衛生以重職守而免妨害仰祈鑑事竊自領土還復今茲三載整齊庶政多沿舊規惟檢查衛生除按春秋兩季挨戶檢驗外其平素住戶對於公共衛生并未指定界線應執負責亦未派有專警隨時檢驗以是效尤相隨弊端難堪實屬不成體統茲爲注重衛生起見擬請援用地方舊慣責成警廳遴派衛生常警專司檢驗住戶以重衛生而除障礙是否有當理合繕具條欵列後伏候鑑核令行實爲公便謹將從前檢查衛生辦法列左一由警衛生科每區遴派巡長一名巡警二名專司檢查區內住戶一切衛生事宜一凡檢查各院住戶先由巡警開導按照租定房屋度數以院中爲界內應歸租戶負責洒掃清潔不得拋倒灰塵髒水並不得堆積薪炭及各種有礙物件違者處罰一凡住戶所用之廚房火爐鍋台土坑得在地板以上將其上列各種門前釘定洋鐵一方以公尺七八十寸爲度俾免危險一凡倒髒水髒土應限令住戶分別倒入公共髒水池內及倒入

公共髒土箱內不得隨便亂倒以重衛生一凡屬住戶如有童男童女應責令該童父母隨時管教不得在院中糞尿如有應令隨時掃除不准存留一凡院內髒水池道應責成房主派人得於兩星期內挖土一次以免杜塞一凡各院公共廁所均由衛生事務所派工洗刷如係廁內按設帶水鐵機應每晨六時洗刷一次午後三時洗刷一次如用鐵桶成糞應每隔一天拉取一次并用藥水洒掃以除臭穢此皆包辦衛生專責應實行檢查勿令怠忽一凡樓梯晒台應限令住戶不得堆積柴草油炭以防燃燒一上列辦法應請切實勸導標示罰則如果住戶不聽應按違警情節輕重分別處罰以儆效尤等情據此查該會長所陳各節不無可採除批示呈悉查所陳檢查衛生辦法不外注重清潔之意惟此項檢查除每年春秋兩季各施行一次外對於平時檢查住戶衛生及掃除髒物事項早經釐訂衛生警察服務規則及掃除髒物規則飭令警廳施行在案現在衛生事務業經收回官辦所請責成警廳遴派衛生常警專司檢驗之處應毋庸議仰候分令警察廳衛生事務所遵照向章認真檢查以重衛生此批等語掛發外合行令仰該廳^即即便遵照向章并參酌上列辦法認真檢查以重衛生切切此令

中華民國十四年十月七日

膠澳商埠局訓令 第四〇九號

令 本局各處科
附屬各機關

爲令知事案准山東漁航總局公函內開案奉山東督辦會銜委任令第三一九號內開爲令委事查山東海線綿長水產豐富實爲最大利源祇以官府無保護之方漁民之改良乏術致使海盜充斥連及商航外船竊捕屢釀交涉不惟富饒大計完全坐失亦且航海主權悉被侵奪海軍部雖於去年在東省設立保衛分處但因名實不符事權難一輿情亦未能允洽故開辦年餘迄無成效茲特統籌全局因地制宜改組爲山東漁航總局專負沿海湖河漁商各船保護征收改良之責藉資頓理查有該員堪以派充合行令委該員爲該局局

長仰卽遵照剋日組織成立將一切應辦事宜詳細規畫呈候核定務須認真辦理勿負委任切切此令等因並附發關防一顆奉此敝局長以漁航事宜組織伊始自應先行在省設立辦事處以便籌畫進行茲於濟南商埠三大馬路瑞源里七號設立山東漁航總局駐省辦事處並於九月二十五日啓用關防除呈報分函外相應函達卽希查照爲荷等因准此除函復并分行外合行令仰該○知照此令

中華民國十四年十月八日

膠澳商埠局訓令 第四一六號

令 本局各處科
附屬各機關

爲令知事案准备辦山東軍務公署衛隊司令部軍醫處兼青島市民傳染病院公函內開於九月二十六日奉督辦山東軍務公署委任令務字第二二五八號內開爲令委事查有李濟民堪以委充本署衛隊司令部軍醫處處長兼青島市民傳染病院院長除分行外合行令仰該處長卽便遵照此令等因奉此敝處長遵卽於十月一日到差任事除呈報分函并布告外相應函請查照是荷等因准此除函復并分令外合行令仰該知照此令

中華民國十四年十月八日

膠澳商埠局訓令 第四一七號

令 本局各處科
附屬各機關

爲令知事案准青島電報局函開案奉山東電政監督委任令第一九號內開茲委任張淞川爲青島電報局局長仰卽遵照到差認真接辦毋負委任等因奉此遵於本月三日到局任事除呈報并分函外相應函達請煩查照等因准此除函復外合行令仰該 知照此令

中華民國十四年十月八日

膠澳商埠局訓令 第四一九號

令 本局各處科
附屬各機關

爲令知事案准青島鹽務稽核支所函開案奉山東稽核分所令轉奉稽核總所令開茲調松江葉榭支所洋所長船津文雄爲青島支所洋所長等因奉此敇洋所長遵於十月六日接任視事除呈報并分行外相應函達請煩查照等因准此除函復外合行令仰該 知照此令

中華民國十四年十月十二日

膠澳商埠局訓令 第四二〇號

令 本局各處科
附屬各機關

爲令知事案准山東全省推行不動產登記辦事處函開案奉

省長公署令開山東全省推行不動產登記辦事處總辦派邱任元兼任等因並發給關防一顆奉此茲於十月一日就省會普利門外大街設立山東全省推行不動產登記辦事處卽日啓用關防除呈報分行外相應函請查照等因到局准此除函復外合行令仰該 一體知照此令

中華民國十四年十月十二日

膠澳商埠局訓令 第四二一號

令 警 察 廳

爲訓令事案准

山東統稅總局第二十七號公函內開案查前奉督辦兼省長第四四八〇號訓令組織統稅總分各局卡業將辦總局組織成立贊開徵各日期分別咨行在案茲經印就布告二種用以宣布開徵日期及辦理統稅義意俾免商民隔閡除已逕發各縣局張貼外相應函送前項布告二百張卽希查收轉發所屬各機關代爲張

貼俾衆週知至紹公誼等因并附送第二號第三號布告各一百張到局准此合函檢發布告九十四十八張令仰該廳遵照卽便轉發所屬各區警署分別張貼俾衆周知是爲至要此令

中華民國十四年十月十二日

計附發 第二號 布告 九十四
第三號 八十八 張

膠澳商埠局訓令 第四二三號

令 本局各處科
附屬各機關

爲令知事案准山東陸軍交通教練所函開案奉
督辦令飭設立山東陸軍交通教練所委趙藍田爲所長并頒發木質關防一顆飭令從速開辦等因奉此遵
在濟南商埠二馬路第一區第十三號樓房暫設辦公處并於十月一日啓用關防開始辦公除呈報外相應
函達卽希查照爲荷等因此除函復外合行令仰該 知照此令

中華民國十四年十月十三日

膠澳商埠局訓令 第四二四號

令 本局各處科
附屬各機關

爲令知事案准山東統稅總局咨開九月十日案奉

督辦兼省長訓令第四四八零號內開案查本省沿海沿河釐金以及各項貨物專稅創設以來原期開濬稅
源藉供軍政要需乃比年征收多不及額歷經設法整頓終未積弊掃除事窮則變制貴因時應卽裁撤釐金
籌辦統稅藉資整理劃一稅收惟是此項統稅開辦伊始範圍旣廣事務亦繁自非另設專局不足以示慎重
而利進行茲並暫行假定比額每月爲五十萬元以資考核除委該員爲總辦並令行財政廳查照外合行令
仰該總辦迅卽妥擬章程呈候核定並一面切實籌辦尅期組織成立是爲至要此令等因奉此遵卽請領關

防敬謹啓用並選派各項專員籌設總分局卡計先後擬訂總局組織大綱十五條各分局卡通用試辦章程二十四條會訂征收貨物統稅暫行章程二十四條呈奉
指令頒行並佈告商民各在案旋將總局各科職員遴委相當人才陸續就職復由財政廳遴派人員到局幫同辦公業於九月二十日組織成立局址設於省城西門大街司馬府並遵
諭以十一月一日爲開始接收各分局卡開征統稅日期除呈報并分行外所有敵局組織成立暨開征各日期相應咨會查照備案等因准此除咨復並分行外合行令仰該 知照此令

中華民國十四年十月十二日

膠澳商埠局指令 第七九一號

令衛生事務所

呈一件 呈請撥派衛生警察由

呈悉查所請撥派衛生警察俾資整頓各節事屬可行惟該項長警名額甚少其他應行視察之衛生各事項亦應兼顧已令警廳將該項長警酌量指撥矣仰卽知照此令

中華民國十四年十月六日

膠澳商埠局指令 第七九四號

令公立李村兩級小學校

呈一件 呈報教員臧煒堂辭職並聘楊炳章接充請備案由

呈暨履歷證書均悉查新聘教員楊炳章資格核與定章尙屬相符應准備案仰卽知照此令
履歷存證書發還

中華民國十四年十月六日

膠澳商埠局指令 第七九五號

令公立女子兩級小學校

呈一件 呈送初級畢業生履歷暨成績分數表請備案由

呈表均悉應準備案此令表二份存
中華民國十四年十月六日

膠澳商埠局指令 第七九八號

令港政局

呈一件 呈繳查獲三木甫私帶槍枝並請獎勵出力人員由
呈悉該局解繳查獲日人三木甫私帶之勃郎林手槍兩支彈夾二個洗桿二根已飭科照數驗收至此次在
局出力各員警等着獎洋二十元以資鼓勵仰卽另文具領仍將分配獎洋員名數目列冊具報備案可也此
令

中華民國十四年十月六日

膠澳商埠局指令 第七九九號

令警察廳

呈一件 呈報查獲日人田中秀次郎販運槍枝訊辦情形由

呈悉查日人田中秀次郎販運槍枝實屬有違法紀既經該廳移送日領訊辦應準備案所有此次查獲出力
各員警着獎洋二十元以資鼓勵仰卽另文具領至沒收之自來得手槍一枝仍照前案尅日解繳可也此令
中華民國十四年十月六日

膠澳商埠局指令 第八〇〇號

令港政局

呈一件 呈報查獲日人存貨內子彈情形由

呈悉該局解繳子彈一千六百粒已飭科照數驗收存候彙案交涉至此次在事出力各員役等着獎洋十六

元以資鼓勵仰卽另文具領妥爲支配仍將分配員名以及數目呈報備案再來呈內稱於一百二十七號包
內查出勃郎林手槍用子彈二大包每包二十小盒又兩小包每包八十盒連同在留置堆棧脫落之小包共
計子彈六十四小盒等情查與上數不甚相符是否繕寫錯誤並仰查明呈復以憑更正此令

中華民國十四年十月六日

膠澳商埠局指令 第八〇一號

令清理鄉區官產事務所

呈一件呈請多發印契由

呈悉除飭科趕辦以資應用外仰卽知照此令

中華民國十四年十月六日

膠澳商埠局指令 第八〇三號

令 警 察 廳

呈一件 呈報查獲山本常記私運手槍訊辦情形由

呈悉查日人山本常記私帶槍枝子彈希圖強利實屬有違禁令旣經該廳移送日領訊辦應准備案所有沒
收之自來得手槍兩枝仰卽另文解繳至此次在事出力各員警等着獎洋四十元以資鼓勵再查本案據港
政局呈報當時查獲情形該與該廳所報彼此似有競爭之處須知雙方服務均屬効力公家允宜誼協寅恭
豈可競尙意氣嗣後遇有此等事項務須和衷共濟協力相維切勿稍存畛域之見以免爭端而敦寅好除指
令港政局遵照外併仰轉飭水警署知照此令

中華民國十四年十月七日

膠澳商埠局指令 第八〇四號

令 港 政 局

呈一件 呈繳查獲山本常記槍枝子彈並請獎出力員警由
呈悉該局解繳查獲山本常記自來得手槍一枝子彈六百粒已飭科照數驗收所有此次在事出力各員警
等仍將支配員名數目造冊呈報備案再查本案據警察廳呈報當時查獲情形核與該局所報彼此似有競
爭之處須知雙方服務均屬効力公家允宜誼協寅恭豈可競尚意氣嗣後遇有此等事項務須和衷共濟協
力相維切勿稍存畛域之見以免爭端而敦寅好除指令該廳轉飭水上警察署遵照外並仰轉飭所屬知照
此令

中華民國十四年十月七日

膠澳商埠局指令 第八〇六號

令公立高家村初級小學校

呈一件 呈報放秋假日期由

呈悉據稱自十月十五日起至二十五日止擬請放秋假十日以重農忙等情應即照准仍仰於假滿後即行
上課以免曠廢併即知照此令

中華民國十四年十月七日

膠澳商埠局指令 第八〇七號

令公立女子兩級小學校

呈一 呈送初級部畢業證書請予蓋印發還由

呈暨證書均悉准予蓋印發還仰即知照此令證書十一張發還

中華民國十四年十月七日

膠澳商埠局指令 第八〇九號

令公立李村兩級小學校

呈一件 呈報分校開學日期暨撥派教員姓名由

悉該分校旣已開學上課應准備案仍仰隨時督飭該教員認真教授勿以其爲分校致稍疎懈是爲至要
切切此令

中華民國十四年十月七日

膠澳商埠局指令 第八一〇號

令公立李村兩級小學校

呈一件 呈送教員履歷暨畢業証書由

呈暨履歷證書均悉查所呈教員王文閣等履歷證書尙屬相合應准備案證書三紙驗訖發還仰卽轉發具
領併卽知照此令履歷存

中華民國十四年十月七日

膠澳商埠局指令 第八一二三號

令衛生事務所所長方聯壁

呈一件 呈報到差日期請備案由

呈悉准予備案此令

中華民國十四年十月七日

膠澳商埠局指令 第八一四號

令 警 察 廳

呈一件 呈報遵設第二公園添設專崗日期由

呈悉准予備案此令

中華民國十四年十月七日

膠澳商埠局指令 第八一五號

令 警察廳長兼教養局長凍韜
教養局坐辦兼濟良所所長陸耀章

呈一件 呈報交代日期請備查由

呈悉准予備案一俟辦理清結仍仰將情形具報查考切切此令
中華民國十四年十月七日

膠澳商埠局指令 第八一六號

令 警察廳

呈一件 呈報緝獲逃匪劉維序訊辦情形由

呈及抄供均悉查匪犯劉維序供認於去年夥同匪犯王致憲在樓山後劫奪蛋商洋六元分用不諱實屬應
不畏法既經該廳移送法庭訊辦應准備案此令抄供存
中華民國十四年十月七日

膠澳商埠局指令 第八一五號

令青島地方代理行務葉春墀

呈一件 呈復該行紙幣業經掃數移交山東省銀行改鑄發行似無造表填報之必要請轉
呈鑑核由

呈悉已據情呈請

山東省長轉咨

財政部鑒核矣仰卽知照此令

中華民國十四年十月七日

△△△
△△△

隨

膠澳商埠局公函 第二二一〇號

逕復者准頃

大函敬悉一是查朱方新與松崎翠地權糾葛一案雖經雙方解失但在本局應履行之手續第一松崎翠宜具呈承領朱方新退出之地第二朱方新應具呈退去讓與松崎翠之地并領租中間預定路基現在松崎翠呈文雖甫收到而朱方新并如無若何聲請文件在上項程序未完備以前本局未便自違定章逕予辦理至貴事領前次來函聲明一節祇可供本案解決之參證不能代朱方新退租領租之呈文因朱方新與英國煙公司過戶手續既未辦妥其地權仍在朱某名下其領地退地一切事項亦應由地主自辦方合定章茲准前因相應函復并鄭重聲明在該項退租領租呈文未遞到以前本局無憑核辦統希

查照爲荷此復

大英青島領事署

中華民國十四年十月七日

膠澳商埠局公函 第二二二號

逕復者案准

貴局公函內開案奉

山東督辦省長會銜委任令第三一九號內開爲令委事查山東海線綿長水產豐富實爲最大利源祇以官府無保護之方漁民之改良乏術致使海盜充斥連及商航外船竊捕屢釀交涉不惟富饒大計完全坐失亦且航海主權悉被侵奪海軍部雖於去年在東省設立保衛分處但因名實不符事權難一輿情亦未能允洽故開辦年餘迄無成效茲特統籌全局因地制宜改組爲山東漁航總局專負沿海湖河漁商各船保護徵收改良之責藉資頓理查有該員堪以派充合行令委該員爲該局局長仰卽遵照剋日組織成立將一切應辦事宜詳細規畫呈候核定務須認真辦理勿負委任切切此令等因並附發關防一顆奉此敵局長以漁航事宜組

織伊始自應先行在省設立辦事處以便籌畫進行茲於濟南商埠三大馬路瑞源里七號設立山東漁航總局駐省辦事處並於九月二十五日啟用關防呈報分函外相應函達卽希查照爲荷等因准此除通令所屬知照外相應函復卽請

查照此致

山東漁航總局

中華民國十四年十月八日

膠澳商埠局公函 第二二九號

逕復者案准

貴局函開案奉山東電

政監督委任令第一九號內開茲委任張淞川爲青島電報局局長仰卽遵照到差認真接辦毋負委任等因奉此遵於本月三日到局任事除呈報并分函外相應函達請煩查照等因准此除通令所屬知照外相應函復

貴局長查照此致

青島電報局

中華民國十四年十月八日

膠澳商埠局公函 第二三〇號

逕啓者案准

貴處函開於九月二十六日奉

督辦山東軍務公署委任令務字第二二五八號內開爲令委事查有李濟民堪以委充本署衛隊司令部軍醫處處長兼青島市民傳染病院院長除分行外合行令仰該處長卽便遵照此令等因奉此敘處長遵卽於十月一日日到差任事除呈報分函並佈告外相應函請查照是荷等因准此除通令所屬知照外相應函復

查照此致

督辦山東軍務公署衛隊司令部軍醫處

兼青島市民傳染病院

中華民國十四年十月八日

膠澳商埠局公函 第二三三三號

逕覆者頃准

來函敬悉一是查朱方新與松崎翠租地糾葛一案所有當事人應行手續刻甫完竣除將各該戶來呈分別批示外希轉飭朱方新或英國煙公司尅期來局隨同丈量發照并繳納地租及證明費用以定地權而便過戶俟後關於本案一切事項并請飭由本人隨時自行來局接洽免致公文往返曠廢時日統希

查照為盼此致

大英青島領事署

中華民國十四年十月十三日

膠澳商埠局公函 第二三四號

逕復者案准

貴所函開案奉山東稽核分所令轉奉稽核總所令開茲調查松江葉榭支所洋所長船津文雄爲青島支所洋所長等因奉此旨洋所長遲於十月六日接任視事除呈報并分行外相應函達請煩查照等因准此除令所屬一體知照外相應函復查照此致

青島鹽務稽核支所

中華民國十四年十月十二日

膠澳商埠局公函 第二三五號

逕復者案准

貴處函開案奉

省長公署令開山東全省推行不動產登記辦事處函開案奉
省長公署令開山東全省推行不動產登記辦事處總辦派邱任元兼任等因并發給關防一顆奉此茲於十
月一日就省會普利門外大街設立山東全省推行不動產登記辦事處即日啓用關防除呈報分行外相應
函請查照等因准此除令所屬外相應函復希卽

查照爲荷此致

山東全省推行不動產登記辦事處

中華民國十四年十月十一日

膠澳商埠局咨 第九號

爲咨復事案准

貴局咨開九月十日案奉

督辦兼省長訓令第四四八零號內開案查本省沿海沿河釐金以及各項貨物專稅創設以來原期開濬稅
源藉供軍政要需乃比年征收多不及額歷經設法整頓終未積弊掃除事窮則變制貴因時應卽裁撤釐金
籌辦統稅藉資整理劃一稅權惟是此項統稅開辦伊始範圍旣廣事務亦繁自非另設專局不足以示慎重
而利進行茲并暫行假定比額每月五十萬元以資考核除委該員爲總辦并令行財政廳查照外合行令仰
該總辦迅卽妥擬章程呈候核定并一面切實籌辦尅期組織成立是爲至要此令等因奉此遵卽請領關防
敬謹啓用并遴派各項專員籌設總分局卡計先後擬訂總局組織大綱十五條各分局卡通用試辦章程二
十四條會訂征收貨物統稅暫行章程二十四條呈奉

指令頒行并布告商民各在案旋將總局各科職員遴委相當人才陸續就職復由財政廳遴派人員到局幫

同辦公業於九月二十日組織成立局址設於省城西門大街司馬府并諭以十月一日爲開始接收各分卡局開征統稅日期除呈報并分行外所有敝局組織成立暨開征各日期相應咨會查照備案等因准此除令知所屬外相應咨復

查照此致

山東統稅總局

中華民國十四年十月十二日

△布告▽

膠澳商埠局布告 第二一七號

爲布告事查鄉區驗契事宜業經前督辦公署公佈驗契換契條例遵照辦理在案查條例第四條之規定換契之期自本條例施行之日起以三個月爲限扣至九月二十九日限期屆滿詳查該事務所呈報所收李村八區各村契據其已經送驗者爲數固多而未經呈驗者尙復不少本應援照條例第四條所載逾期加倍處罰姑念各戶遠處僻壤呈驗較遲既非有意延宕自屬情有可原并據該所曹所長呈請從寬酌予展限前來應准特予通融展限一個月自本年九月二十九日起至十月二十九日止用示體恤除指令該所遵照繼續嚴催如限驗訖外合行佈告仰本埠鄉區有業商民人等趕於展限期內務將不動產白契完全送驗所有契紙註冊各費仍照本條例第三條如數繳納倘逾期不驗一經查明或被告發照例即將原契沒收不動產充公勿謂言之不預也其各懷遵毋違切切此佈

中華民國十四年十月十三日

膠澳商埠局布告 第二八號

爲布告事照得渤海艦隊肇和同安兩軍艦因要求發餉發生事故以致一時頒布戒嚴市面頗呈惶恐不安之象旣經孫師長多方勸諭曉以大義已和平解決決無他虞爲此布告閭埠商民人等一體知悉務當各安

畢司合

生業毋得自相驚擾倘有不法之徒從中造謠生事一經查獲定行法辦不貸切切此布

中華民國十四年十月十六日

膠澳商埠警察廳布告 第四七號

爲布告事本年十月十二日奉

商埠局第四二一號訓令內開案奉

山東省長公署第五零一零號訓令內開爲訓令事案據房屋稅征收總局局長高若亮呈稱竊查職局前奉
鈞座令委創辦房屋稅省會地方業已籌備就緒刻期實行其青島煙台周村龍口濟甯各埠商務繁興人煙
稠密次第舉辦洵屬極大財源值此軍費浩繁庫儲不給極宜趕速籌畫早見施行應請令行各該埠警察廳
署會同該管縣知事先期佈告以便職局派員前往成立分局定期開征以裕稅收而濟軍餉除分局組織章
程俟擬妥後另案呈請核定外所有請辦各埠房屋稅緣由是否有當理合備文呈請鑒核批令祇遵等情據
此除指令呈悉已分令膠龍口各商埠局膠東濟甯各道尹轉飭所屬警察廳局縣署暨長山縣知事一體
遵照先期布告以便該局派員開辦仰卽知照此令等因印發外合亟令仰該總辦轉飭膠澳警察廳一體遵
照先期布告以便該局派員前往成立分局定期開征仍將協同辦理情形呈報查考此令等因奉此除呈復
外合亟令仰該廳遵照先期佈告俟該局成立分局定期開征時協同辦理並將辦理情形先行呈報備查切
切等因奉此除呈報外爲此布告本埠居民鋪戶人等一體知照此布

中華民國十四年十月十六日

膠澳商埠警察廳布告 第四八號

爲布告事照得本埠森林密茂際此秋高風燥落葉滿山枯草遍野行人拋棄紙煙稍不留心卽星火燎原釀
成巨患本廳前爲預防危害起見迭經令行各署隊督飭所屬隨時注意取締並布告在案無如人民遊行草
地仍往往不加留意將吸完紙煙頭任便拋棄以致林火不時發見損失極多害之殊堪痛恨若不從嚴取締

則葱籠滿目之森林將漸變爲童山遍野既與本埠風景有關又於調和氣候涵養水源有礙爲此重申禁令布告本埠商民人等一體知悉嗣後凡行經林區草地不得再有任便拋棄紙煙頭情事如敢故違一經查覺定卽從嚴罰辦切切此佈

中華民國十四年十月十六日

膠澳商埠工程事務所佈告 第七號

爲布告事查本所招商承辦供給車輛規則招商承攬供給水車用夫馬規則及兩項合同標函式樣均經佈告在案現在增壽公司供給本所車輛水車用夫馬將屆解約亟應招商接辦如有願承攬上項供給者仰卽來所領取標函遵照規則註明單價用火漆封固并攜押款五十元來所投遞定於十八日午後三時在本所當衆開標屆時并請膠澳商埠局派員監視以昭核實取標以最低價額爲合格倘最低標價本所認爲與預定價目仍有超過時並有全不取中之權所繳押款於開標後凡未中標者立予退還其已得標者俟契約履行後再行發給如中標後中途變更致誤公務卽將押款沒收合行佈告週知此佈

中華民國十四年十月七日

▲公文▼

膠澳商埠局呈 第八九號

呈爲呈報事竊據本埠警察廳廳長陳韜呈稱案據職廳李村區警察署署長王維俊呈據第一分駐所辦事員孟長興呈稱九月二十一日上午四時據巡警張峻嶺報稱查得滄台路妓戶隋孫氏家宿有新由滄口下車之焦進臣形跡可疑等情辦事員卽帶巡官馮殿錦巡長李桂林等前往查看彼時天尚未明遂推門入室見焦進臣已赤身下床蹲避門後略加詢問言語支離查點所帶物品竟由隋孫氏箱內搜出皮夾一個內盛濟南山東銀行鈔票六張每張十元青島交通銀行鈔票三張每張一元現洋一元台東鎮萬寶銀樓發票一紙等情連同焦進臣隋孫氏二名一併由署送請訊辦等情到廳當經提訊據焦進臣供稱臨朐縣人前曾當

太過游擊隊隊兵有一日赴鄰村趕集與匪首馬文經說妥至六月初間在城西馬家莊馬文經家與馬文山馬一馬太三張士州等十餘人馬文山等均有槍枝惟伊係馬文經交給手槍一枝同到本縣城東南齊前莊東北村內架出不知姓名一個老頭兩個幼童共三票先架至牛山後又到黃山嗣經人說妥贖回伊不知票價多少馬文經分給一百二十元嗣於六月底來青即往隋孫氏家剩有票洋六十元寄存隋孫氏手中據隋孫氏供稱伊現在滄口混事伊與焦進臣素識此次給伊六十元均是濟南票子焦進臣行爲如何伊一概不知各等語職廳再三研訊矢口不移據此查該焦進臣結夥三人以上持械架贖供認不諱詢屬目無法紀自應依法懲辦以昭炯戒隋孫氏訊不知情尙有可原擬請從寬開釋以示體恤案關盜匪未便擅專理合將訊辦本案詳情錄同供詞備文呈請鑒核究應移送何項機關訊辦敬候指令祇遵等情並抄供二份據此除已將獲犯情形先行電陳鈞鑒並指令該廳遵照解送青島戒嚴司令部訊辦外理合抄錄供詞具文呈請

鑒核謹呈

督辦山東軍務張

計附呈抄供二紙

中華民國十四年十月八日

膠澳商埠局呈 第九一號

呈爲呈報事竊據本埠警察廳廳長陳韜呈稱據職廳第二區警察署署長劉之中呈稱據便衣巡警王啓明報稱探得昌平路三義成鋪內有窩匪情事報告前來據此當經派警前往三義成鋪內將匪犯楊德山張洪元窩主馮振武嫌疑人李守敬一併捕獲帶署提訊楊德山供稱伊於本年五月間隨同悍首馬文經多人在臨朐縣趙疃後崖架得學校學生六名勒贖七千五百元伊分得一百四十五元嗣經益都縣警備隊查覺伊家住匪會同尹司令部下將伊房屋盡行燒燬遂潛逃來青等語張洪元供稱本年二月間隨同悍首馬文經帶

二十餘名在臨朐縣南鄉東俞街架得王舉成十二歲之子勒贖一千四百元伊分得贓洋六十元花用等語
馮振武供稱伊在昌平路五十三號開設三義成雜貨鋪內有閒房一間卽租於素識張洪元居住十四號晚
同鄉李守敬領同楊德山在張洪元處借宿伊與楊德山素不相識等語李守敬供稱日前赴街適遇素識楊
德山遂領同赴三義成張洪元屋內借住近來楊德山究作何事實不知情等語合將該犯等一併送請訊辦
等情到廳據此提訊楊德山馮振武李守敬均供與原呈相同張洪元供忽翻異堅不承認有架票情事惟質
之楊德山據供伊在馬文經桿上曾與張洪元見面一次等語除將該犯楊德山等一併發所管押咨請臨朐
益都兩縣公署查復本案詳情再行續報外所有查獲匪犯楊德山等訊辦情形理合抄同供詞具文呈報鑒
核等情並抄供四分據此除指令該廳俟臨朐益都兩縣查復到青提案訊明後一併解送青島戒嚴司令部
訊辦外理合抄錄供詞具文呈請

鑒核謹呈

督辦山東軍務張

計附呈抄供四份

中華民國十四年十月八日

△批示△

膠澳商埠局批 第二六七號

批原具呈人劉壽臣

呈一件 呈報在昌樂路增築平房開工日期請備案由

據呈已悉應准備案此批

中華民國十四年十月五日

膠澳商埠局批 第二六九號

具呈人勞山森林公司經理王作梅

呈一件 為奸人造謠聚衆搶伐山林請飭警曉諭由

呈悉已如呈轉令本埠警察廳轉飭遵辦矣此批

中華民國十四年十月六日

膠澳商埠局批 第二二七〇號

具呈人袁相科等

呈一件 呈請准予保釋袁鐸傳由

呈悉查本案已經移送

戒嚴司令部訊辦所請保釋之處礙難照准此批

中華民國十四年十月六日

膠澳商埠局批 第二二七一號

具呈人張善堂

呈一件 呈請免繳租款以恤下情由

呈悉查該商積欠租金甚鉅應迅將欠租繳清再行呈請退租已於該商前呈內明白批示在案仰仍遵照速繳以清積欠勿得託詞妄濶致于未便切切此批

中華民國十四年十月六日

膠澳商埠局批 第二二七二號

批原具呈人王大鵬

呈一件 呈擬在觀海路面積一千二百八十六方步九九七領租地內增築樓房請批示由
呈暨設計圖說明書租地憑照均悉除就圖將梁架尺寸妥為添註外其餘各節尚無不合准發給建築憑照仰即遵照增築仍將開工日期呈報備查此批圖書分別存發

計發還圖書一份租地憑照一紙
給建築憑照一紙

中華民國十四年十月七日

膠澳商埠局批 第一七四號

批原具呈人孫星垣

呈一件 呈擬在長山路周村路面積七百七十八方步零四一領租地內建築平房請批示由
呈暨設計圖說明書租地憑照均悉查設計圖內地址四界尺寸註列不完並多錯誤房架尺寸亦嫌細弱有礙安全原送圖書租照發還仰
即查照修正另呈來局以憑核辦此批

計發還圖書三份
租照一紙

中華民國十四年十月七日

膠澳商埠局批 第一七五號

批原具呈人王述適

呈一件 呈報在奉天路領租地內增築樓房竣工請驗准使用由

呈悉該具呈人增築樓房經派員驗得樓梯門窗以及房屋間隔等多與原圖不符似此任意變更殊屬不合姑念變更各節與本埠暫行建築規則尚無抵觸從寬免予處分仰即另具圖書三份補送候核此批

中華民國十四年十月七日

膠澳商埠局批 第一七六號

批原具呈人陳向午

呈一件向呈擬在觀海路面積三百七十三方步三一二領租地內增築平房請此示由

呈暨設計圖說明書租地憑照均悉查設計圖內房架構造不合法式棟梁細弱有礙安全原送圖書租照發還仰即查照修正另呈來局以憑核辦此批

計發還圖書三份租照一紙

中華民國十四年十月七日

本報啟事一

本報雖係公報性質而以發展工商業為主旨凡在本報刊登廣告者特別歡迎

本報啓事二

本報刊登廣告具兩大特色一訂閱本報者多係工商界鉅子可作極有力量之介紹一本報暢銷百七縣及各大商埠登載廣告可以普及全國

本報廣告更定價目表

一凡在本報刊登廣告以四十二字起碼為一行不足四十二字者按一行計算

一登一期者每行收大洋三角登兩期者五角五分四期者一元一月者一元八角

一登至二十行期在一月以上者均按九折計算

一登至半年以上者按八折計算

一若用大字及印登商標者均照登佔面積計算刊工另議酌加